

TERHAD



LEMBAGA PEPERIKSAAN  
KEMENTERIAN PENDIDIKAN MALAYSIA

**SIJIL PELAJARAN MALAYSIA 2024**  
**PERNIAGAAN**  
**PROJEK**  
**Kertas 3**

**3766/3**

- 
- 
1. *Kertas ini mengandungi **satu** tugas projek.*
  2. *Calon wajib melaksanakan tugas projek secara individu.*
  3. *Calon hendaklah menyempurnakan tugas projek ini dengan merujuk kepada elemen, aspek dan kriteria yang telah ditetapkan.*
  4. *Tugas projek ini hendaklah dilaksanakan oleh calon **SPM 2024** dalam tempoh masa yang telah ditetapkan oleh Lembaga Peperiksaan.*
  5. *Calon dikehendaki melengkapkan Jadual Pelaksanaan Tugas Projek untuk memastikan tugas projek dapat disempurnakan dalam tempoh masa yang ditetapkan.*
  6. *Calon dinasihatkan membuat perancangan yang teliti dan melaksanakan tugas projek dengan menggunakan perbelanjaan yang berpatutan dan munasabah.*

---

Kertas projek ini mengandungi 8 halaman bercetak.

[Lihat halaman sebelah  
**TERHAD**

**TUGASAN PROJEK**

**1.0** Anda telah menjalankan sebuah perniagaan secara milikan tunggal. Perniagaan anda menjual salah satu daripada produk berikut:

- 1.1 Seni catan
- 1.2 Seni kraf anyaman
- 1.3 Seni kraf tenunan / sulaman

Produk tersebut adalah produk siap yang diperolehi daripada pengusaha tempatan di sekitar kawasan anda dan memasarkannya secara terus kepada pelanggan.

**2.0** Perniagaan yang dijalankan telah mengikut prosedur pendaftaran dan pelesenan perniagaan.

**3.0** Anda dikehendaki menyediakan satu Rancangan Perniagaan yang lengkap untuk dikemukakan kepada mana-mana institusi kewangan atau badan kerajaan bagi mendapatkan sumber pembiayaan untuk menambah baik strategi campuran pemasaran sedia ada.

**4.0** Modal dan pembiayaan

4.1 Modal awal perniagaan terdiri daripada maklumat berikut:

	<b>RM</b>
Bank	50 000
Kelengkapan	15 000
Inventori Awal	4 000

4.2 Maklumat pembiayaan

4.2.1 Jumlah minimum pembiayaan perniagaan adalah RM50 000.

4.2.2 Kadar faedah dan tempoh pembiayaan adalah mengikut bank atau institusi kewangan yang dipilih.

**5.0** Maklumat belian dan jualan adalah seperti berikut:

5.1 Peningkatan belian adalah sebanyak 2% - 5% setiap bulan daripada bulan sebelumnya.

5.2 Peningkatan jualan adalah sebanyak 3% - 7% setiap bulan daripada bulan sebelumnya.

5.3 Perniagaan menasarkankan untung kasar sebanyak 120% - 150% pada bulan pertama.

## 6.0 Tenaga pekerja

- 6.1 Pekerja terdiri daripada penduduk tempatan (warganegara Malaysia).
- 6.2 Majikan wajib membuat caruman Kumpulan Wang Simpanan Pekerja (KWSP) dan Pertubuhan Keselamatan Sosial (PERKESO) untuk pekerja tetap.
- 6.3 Carta organisasi perniagaan yang sesuai perlu dihasilkan.
- 6.4 Pembahagian kerja dan maklumat gaji pada awal penubuhan perniagaan adalah seperti berikut:

Pekerja Tetap	Gaji Minimum (RM)	Bilangan Pekerja
Pengurusan	2 500	2
Staf sokongan / staf operasi	1 500	2

- 6.5 Pertambahan pekerja baharu terdiri daripada pekerja tetap dan pekerja sambilan bagi memenuhi keperluan semasa perniagaan. Pekerja sambilan ditugaskan di bahagian pemasaran dan teknologi maklumat dengan kadar upah RM9 / jam serta bilangan hari bekerja adalah 15 hari sebulan.

## 7.0 Perbelanjaan perniagaan

- 7.1 Sewa premis minimum RM3 000 sebulan.
- 7.2 Ubah suai premis minimum RM15 000.
- 7.3 Pembelian kelengkapan secara sewa beli untuk tempoh dua hingga tiga tahun dan dikenakan kadar faedah tertentu.
- 7.4 Aset bukan semasa disusutnilaikan pada kadar 4 % - 10 % setahun atas kos.
- 7.5 Kenderaan perlu dibeli secara sewa beli.
  - 7.5.1 Tempoh pembiayaan adalah antara lima hingga tujuh tahun.
  - 7.5.2 Kadar faedah pinjaman antara 3 % - 6 % setahun.
  - 7.5.3 Bayaran pendahuluan 10 % - 15 % daripada harga kenderaan.
- 7.6 Kos promosi secara digital adalah melibatkan pasaran dalam negara atau luar negara.
- 7.7 Kos-kos lain yang sesuai.

## 8.0 Perniagaan perlu mengikuti program dan latihan keusahawanan yang dianjurkan oleh agensi kerajaan, badan berkanun atau pihak swasta yang berkaitan. Anda perlu menyertai satu latihan bagi setiap kategori berikut:

- 8.1 Program galakan perniagaan.
- 8.2 Program strategi pemasaran digital.

[Lihat halaman sebelah  
**TERHAD**

**9.0** Rancangan Perniagaan yang dikemukakan hendaklah mempunyai format berikut:

- 9.1 Ringkasan Eksekutif
- 9.2 Pengenalan
- 9.3 Latar Belakang
  - 9.3.1 Perniagaan
  - 9.3.2 Pemilik
  - 9.3.3 Pekerja
- 9.4 Rancangan Pentadbiran / Organisasi
- 9.5 Rancangan Operasi
- 9.6 Rancangan Pemasaran
- 9.7 Rancangan Kewangan
- 9.8 Penutup
- 9.9 Lampiran (dokumen sokongan)

**10.0** Anda mestilah mempersembahkan konsep, kreativiti dan idea produk dalam bentuk pembentangan projek atau interaksi sepanjang pelaksanaan tugas projek.

**11.0** Idea perniagaan yang dipersembahkan mestilah menjurus kepada penjenamaan produk Malaysia. Anda digalakkan untuk mendapatkan maklumat daripada pelbagai sumber.

**12.0** Rancangan Perniagaan ini boleh dihasilkan secara bertulis atau menggunakan perisian komputer. Sekiranya bertulis, tulisan hendaklah kemas manakala perkara berikut perlu dipatuhi jika berbantuan perisian komputer.

- 12.1 Fon : Arial / Times New Roman
- 12.2 Saiz fon : 11 pt. / 12 pt.
- 12.3 Saiz fon bagi tajuk besar atau kecil bergantung kepada kesesuaian
- 12.4 Saiz kertas : A4

**13.0** Rancangan Perniagaan yang lengkap disertakan bersama draf mesti dikemukakan oleh calon secara individu sebagai **evidens proses kerja**.

**14.0** Setiap elemen akan dikurangkan satu gred sekiranya Rancangan Perniagaan tidak disertakan dengan draf.

**15.0** Semua bentuk lakaran, lukisan, gambar rajah atau tulisan mestilah jelas.

**16.0** Gambar atau ilustrasi tambahan hendaklah dilekatkan dengan kemas supaya tidak tercacir.

- 17.0** Calon diperuntukkan 12 minggu untuk menyiapkan tugas projek. Jadual Pelaksanaan Tugas Projek di **Lampiran 1** (Halaman 6).
- 18.0** Calon dikehendaki menandatangani borang Perakuan Calon tentang ketulenan hasil projek di **Lampiran 2** (Halaman 7).
- 19.0** Calon juga perlu menyertakan Senarai Semak dan Penilaian Guru berkaitan tugas projek di **Lampiran 3** (Halaman 8).

### TUGASAN TAMAT

## Jadual Pelaksanaan Tugas Projek

PROSES TUGASAN	TEMPOH PELAKSANAAN											
	MINGGU											
	1	2	3	4	5	6	7	8	9	10	11	12
Taklimat Tugas oleh Guru												
Penyerahan Tajuk												
Pengenalan												
Latar Belakang Perniagaan												
Latar Belakang Pemilik												
Latar Belakang Pekerja												
Rancangan Pentadbiran / Organisasi												
Rancangan Operasi												
Rancangan Pemasaran												
Rancangan Kewangan												
Ringkasan Eksekutif												
Penutup dan Isi Kandungan												
Pembentangan												
Penyerahan Rancangan Perniagaan yang lengkap												
Penilaian Akhir												
<b>Kemasukan markah secara dalam talian ke sistem Lembaga Peperiksaan</b>	<b>Sebelum 15 November 2024</b>											

[Lihat halaman sebelah  
**TERHAD**



**Perakuan Calon  
Ketulenan Hasil Projek Kertas 3766/3  
Sijil Pelajaran Malaysia  
Tahun 2024**

Saya mengakui bahawa hasil projek yang dikemukakan untuk memenuhi syarat Peperiksaan Sijil Pelajaran Malaysia 2024 bagi mata pelajaran Perniagaan 3766/3 adalah tulen.

Nama Sekolah : \_\_\_\_\_

Nama Calon : \_\_\_\_\_

No. Pengenalan Diri : \_\_\_\_\_

Angka Giliran : \_\_\_\_\_

Tandatangan : \_\_\_\_\_

Tarikh : \_\_\_\_\_

Borang perakuan ini mestilah disertakan di bahagian hadapan Rancangan Perniagaan.

